

MEMONI JEE MAHFIL

By : M. Aslam Saamla

SOGAAT-E-DERVESH

DIMAAG

Dimaag fikreiN se khaali natho riye. Hin meiN bahooj wadharey pareshaaniyuN rehentiyooN. Har waqt galat soch ne khayaal aapas meiN takraeinta. Aksar sahee ghaal moo se nathi nikrey. Sach samajh meiN natho achey. Seedho rashto naae dekhaenoo. Saaro kum ne saari ghaal samajh meiN nathi achey. Thori si fuzool ghaal mathay gusso achi vineto jo nafrat ne dushmani ji wajha bani vineto. Bimaari tension jee wajha bani vineti. Becheni, beqarari bhi dimaag he aae. Navi navi ejaadon bhi he dimmag se he aae. Har pal hee galat salat kum meiN lagae diyeto. Yaqeen ne be-yaqeeni meiN dimaag riyeto. Kadey thando ne kadey garam ne kadey izzat ne kadey zillat badhay dimaag jo he kum aae.

Dervesh: Sochal laae badhey aae lekin kuro faaedo?

MOTIYAN JEE MALA

- Badhey se waddo hoo aae jo insaanein jo ehteraam karey.
- AaeNjee bhalai hin mej aae ke aaeN khamoshi ke potejee zabaan banayo.
- Zindagi meiN akro dost mili viney ta saaro aae, biyo mile ta bahooj saro ne tirryo ta mili sighey.
- Agaaz jo khayaal karo, anjaam khud behtar thee vinno.
- Jin ke Maa ne pay adab natha sikhaen, hunke zamanu adab sikhaeto.
- Behtareen parhnu insaan ke parhnu aae.
- Potejay khayalaat ke jail khanoo na banayo.
- Kamyaaab zindagi jo raaz hee aae ke jida riyo, jin haal meiN riyo sukoon se riyo.
- Na-ummeed theen se umar kum thiyetee.
- Dil akro saaf aaenu aae. Agar burai se paak aae ta hin meiN Allah nazar acheto.

- Dunya meiN hoo maroo jee izzat thiyeti jo ustaad jee izzat karya hoonta.
- Khilnu akri sasti dawa aae jin ke khareedi natha sighoon.
- Dost hazaar bhi ocha heen ne dushman akro bhi wadharey aae.
- Nafrat ke nafrat se na, mohabbat se jeetnoo khapeto.
- Saari kitaab insaan jay laae zindagi jo vaddo sarmayo hoeti.
- Har gunha jee toba aae lekin bad-ikhlaaqi jo toba naae.
- Kamosh riyo yaa ehri koi ghaal karo jo khamoshi se behtar hoe.
- Jo aaeNkay sacho samjhay hun se khoto bolnoo sakht khayaanat aae.
- Hoo ghar jin meiN kitaabooN na hoon, hoo hin jism jee tarha aae jin meiN rooh na hoe.
- Dekhawey jee inkesaari guroor jee aakhri had aae.

MEMONI LATEEFA

- AKro dost biye ke chuee kke aaoN jaldi angoraan toe kure laae ke aaoN saboo istemaal natho karaaN. Biyo dost chuee ke aaoN tojay se bhi pehlay angoree gina toe kure laae ke aaoN paani istemaal natho karaaN.
- Ustaad shaagird se puchee ke too tareekh jo sabaq kure laae yaad naae kare? Shaagird chuee ke sir kaal akray jalsay meiN akro rehnuma chuee ke aaoN hin mulk jee tareekh badli deenoe.
- Akro maroo akray faqeel ke chuee ke baba too kehro faqeer yeiN ke ehra saara kapra peri ne bheek magneto? Hoo fakqeer chuee ke aaoN hin ilaaqey jo badhay se khush libaas faqeer yaaN.

For comprehensive information
on

*Origin, history, culture, language and
welfare activities of Memon Community*

Visit

www.memon-world.net

send your comments to

arthaplawa@yahoo.com